

MUHTASHAM SUV SPORT SAROYI

yoshlarimizni ulkan g'alabalar sari undaydi

Davlatimiz rahbari tashabbusi bilan poytaxtimizning Yakkasaroy tumanida aholi salomatligini yanada mustahkamlash va professional sportchilarning faoliyatini qo'llab-quvvatlash maqsadida yangi suv sporti saroyi bunyod etildi. Mazkur majmua rivojlangan mamlakatlar tajribasi asosida O'zbekiston kasaba uyushmalari Federatsiyasi tomonidan qurilgan bo'lib, barcha qulaylik va shart-sharoitlarga ega.

sinxron suzuvchilar ham bu yerda bema'lol shug'ullanishlari mumkin. Bolalar uchun alohida 60 va 40 sm. chuqurlikdagi basseynlar ham mavjud. Gap shundaki, endi bu yerda faqat professional sportchilar shug'ullanib qolmasdan, bolalar uchun ham qator sport to'garaklari ochiladi. Qisqacha aytganda, majmua oddiy aholi salomatligini tiklaydigan maskanga ham aylanadi.



Mazkur sport kompleksidagi zamonaviy sharoitlar suzuvchilarimizni yangi yutuq va marralar sari ruhlantiradi, - deydi suzish bo'yicha O'zbekiston terma jamoasi bosh murabbiyi Saida Iskandarova. - Bu yerda terma jamoa a'zolari o'quv-mashg'ulot yig'inlarini o'tkazishimiz uchun ham barcha qulaylik muhayyo. Bunday inshootlar yosh avlodni sportga jalb etishda ham muhim o'rin tutadi. Chunki saroyda kichik havzalari ham tashkil etilgan bo'lib, ular bolalarda suv sportiga qiziqish uyg'otadi. Shuningdek, majmua negizida tashkil etilgan Suv sporti maktabi yoshlarning professional sportga qadam qo'yishiga zamin hozirlaydi.



Qirg'iziston - O'zbekiston temir yo'li qurilishi boshlanish arafasida

Xitoy - Qirg'iziston - O'zbekiston temir yo'lini qurish ishlari avgust oyidan boshlanadi.

Bu haqda Qirg'iziston Bosh vaziri Oqilbek Japarov 13-iyun kuni bo'lib o'tgan Jo'rg'u'v Kenesh majlisida aytib o'tdi.

U Pekin shahrida 6-may kuni Xitoy - Qirg'iziston - O'zbekiston temir yo'li bo'yicha strategik loyihani amalga oshirish to'g'risidagi bitim imzolanganini ta'kidladi. U, shuningdek, loyihani moliyalashtirish masalasi ham hal bo'lganini aytdi.

Avvalroq Prezident Sadir Japarov temir yo'li qurilishi o'ktabrda boshlanishini ma'lum qilgan edi. Uning so'zlariga ko'ra, hozirda Qirg'iziston logistika borasida "boshi berk ko'cha" dagi davlat bo'lib, dunyo bozoriga Qozog'iston va Rossiya temir yo'llari orqali chiqadi.

Gruziya Rossiya bilan diplomatik aloqalarni tiklamoqchi

Gruziya va Rossiya o'rtasida diplomatik munosabatlar tiklanish arafasida. Ayni chog'da Gruziyaning Moskvadagi elchixonasi uchun xodimlar saralanmoqda, deya xabar qildi muxolifatdagi "Mtavari Arhi" telekanali.

Telekanalning manbalari "Gruziya orzusi" hukmron partiyasi bu rejani rad etayotganini bildirgan, Gruziya hukumati vakillari esa elchixonaning ochilishiga oid xabarni asossiz, deb atamoqda.

"Hammasi Rossiya bilan to'g'ridan-to'g'ri aviaaloqaning tiklangani, Gruziya fuqarolari uchun viza tartibi bekor qilgani va "Xorijiy agentlar to'g'risida"gi Rossiya qonunining qabul qilinishiga o'xshash ssenariy bo'yicha ketchikda, deya qayd etgan telekanal.

Qozog'iston Xalqaro rus tili tashkiloti to'g'risidagi bitimni ratifikatsiya qilmoqda

Tegishli qonun loyihasining jamoatchilik muhokamasi 11-iyun kuni yakunlangan. Endi u parlament tomonidan imzolashga kiritiladi.

Ma'lumki, Rus tili xalqaro tashkilotini tashkil etish to'g'risidagi bitim o'tgan yili 13-oktabr kuni Mustaqil Davlatlar Hamdo'stligining Bishkekdaqi sammitida imzolangan edi. Rus tilini qo'llab-quvvatlash va targ'ib qilish bo'yicha xalqaro tuzilma yaratish g'oyasini 2022-yilda Qozog'iston Prezidenti Qosim-Jomart Toqayev bergan edi.

BMT Xavfsizlik Kengashi AQShning G'azoga oid rejasini qo'lladi

BMT Xavfsizlik Kengashi 10-iyun kungi ovoz berish chog'ida G'azo sektoridagi vaziyatni izga solish bo'yicha AQSh tomonidan taklif qilingan reja qo'llab-quvvatladi.

Mazkur reja G'azoda o't ochishni to'xtatish, ikkinchi bosqichda esa garovdagi harbiylarni bosqichma-bosqich ozod qilish va isroillik harbiylarni sektordan olib chiqib ketishni o'z ichiga oladi. O'zaro urush olib borayotgan Isroil va HAMAS radikal harakati reja "zudlik bilan" va "qo'shimcha shartlarsiz" qabul qilishga chaqirilgan rezolyutsiyani Xavfsizlik Kengashining 15 a'zosi 14 tasi yoqladi.

Reja AQSh Prezidenti Jo Bayden tarafidan may oyi oxirida taqdim etilgani. Uning ilk bosqichida HAMAS tomonidan garovga olingan shaxslarni Isroil qamoqxonalari saqlanayotgan falastinliklar bilan almashirish va o't ochishni vaqtincha to'xtatish ko'zda tutilgan. Ikkinchi bosqichda esa garovdagi harbiylarning to'liq ozod etilishi, jangovar harakatlarning butunlay to'xtatilishi va Isroil qo'shinlarining G'azodan tamoman olib chiqib ketilishi ko'zlangan. Yakuniy bosqichda Isroil armiyasi amaliyoti chog'ida vayron qilingan sektorni tiklash bo'yicha xalqaro reja hozirlash mo'ljallanmoqda.

AQSh va Yevropa Ittifoqida terror tashkiloti deb topilgan HAMAS harakati esa bu bosqichda Isroilga garovdalik paytida halok bo'lganlarning jasadini topshirishi lozim bo'ladi.

Abduvali SOYIBNAZAROV ("Xalq so'zi") tayyorladi.

QISQA SATRLARDA

"Yangi O'zbekiston yoshlari, birlashaylik!"

Buxoro shahrining Abu Ali ibn Sino nomidagi favvoralar maydonida ana shu shior ostida viloyat yoshlar festivali o'tkazildi.

Tadbirda ta'kidlanganidek, joriy yilda buxorolik 350 nafardan ziyod bitiruvchilar maktab davridayoq xorij va mamlakatimizning nufuzli oliy o'quv yurtlari talabasi bo'lish imkoniyatini qo'lga kiritdi. Iste'dodli o'g'il-qizlarning 7 nafari xalqaro, yana shunchasi respublika fan olimpiadalari g'oliblari qatoridan o'rin oldi.

Festivalda turli sohalarida muvaffaqiyat qozonib, tengdoshlariga o'rnak bo'layotgan bir guruh faol yigit-qizlar munosib rag'batlantirildi.

Namangandan Istanbulga ilk parvoz amalga oshirildi

O'zbekiston - Turkiya aloqalarining mahsul sifatida yurtimizdagi xususiy aviatashuvchi tashkilot - Qanot Sharq aviakompaniyasi tomonidan Istanbul - Namangan va Namangan - Istanbul yo'nalishida ilk parvoz amalga oshirildi.

Aviakompaniyaning "Airbus - 321" rusumli havo kemasi ilk bor Istanbul shahridan Namanganga 119 nafar yo'lovchini olib kelgan bo'lsa, Namangan osmonidan uchgan "Qanot Sharq"ning havo kemasi 184 nafar yo'lovchini Turkiya zaminiga olib ketdi.

Istanbul - Namangan yo'nalishidagi parvozlari haftada ikki marta amalga oshirilishi rejalashtirilgan.

Xayru saxovat bayrami

Qurbon hayiti inson sha'ni va qadrining yuksakligini ko'rsatuvchi xayr-saxovat, mehmuruvvat ayomi, dillardagi gina-kuduratlar unutilib, do'stlik va hamjihatlik yanada yorqin namoyon bo'luvchi e'zgu bayramdir.

Ayni kunlarda muhtojlarga mehr, saxovat ko'rsatish xalqimizga xos azaliy fazilat. Yangi Namangan tumanida ham aholining ehtiyojmand qatlamiga bayram tuhfalari tarqatildi.

Tuman hokimligi ma'lumotiga ko'ra, yo'qlavlar doirasida ijtimoiy himoyaga muhtoj 500 dan ziyod oilalar, bemorlar, qariyalar, nogironligi bo'lgan yurtdoshlarimizga oziq-ovqat mahsulotlaridan iborat hayitlik yetkazib berildi.

"Xalq so'zi" va O'ZA xabarlarida asosida tayyorlandi.

MAMLAKATIMIZDA ILK BOR TARJIMONLAR FORUMI O'TKAZILDI

Toshkent viloyatining so'lim go'shasida joylashgan "Parkent" ijod uyida yurtimizda ilk bor Respublika tarjimonlari forumi bo'lib o'tdi. Unga ustoz tarjimonlar, adabiyotshunos olimlar hamda yoshlar qatnashdi.

Anjuman

Ikki kun davom etgan forumda "Turk va ozarbayjon she'riyatidan tarjimalar", "Ustozlar sabog'i va yoshlarga tavsiyalar", "Xorijiy tillardan tarjima muammolari", "Qoraqalpog' she'riyatining bugungi kuni", "Nemis nasrining qaysi jihatlari bugungi o'zbek o'quvchisi uchun qiziqarli?", "Aruz vazni qanday tarjima qilinadi?" kabi mavzularda davra suhbat, seminar, mahorat darslari va muloqotlar o'tkazildi.

Mazkur forum sohadagi mavjud muammolarni muhokama etib, ularga yechim topish, kelgusidagi vazifalarni belgilab olishda muhim maydon bo'lib xizmat qildi.

Muhammad ALI, O'zbekiston xalq yozuvchisi: - Badiiy tarjima - adabiyotimizning ajralmas qismi. O'zbek tarjima maktabi jahondagi nufuzli tarjima maktablaridan qolishmaydi. Bu maktabga tamal toshini

Risolat HAYDAROVA, O'zbekiston Yozuvchilar uyushmasi bosh mutaxassisi: - Badiiy tarjima sohasidagi yangiliklar kishini xursand qiladi. Jumladan, ulug' turk shoiri, Turkiya Respublikasi davlat madhiyasi muallifi Mehmet Okif Erso'yning "Safahot" kitobi shoir

qo'nganlar, unda tahsil olganlarning jahon va qardosh mamlakatlar adabiyotlaridan qilgan tarjimalari kitobxonlar tomonidan sevim o'qib kelinmoqda. Shu maktabning vakili ekanim - baxtimiz. Tarjima ishiga dastlab universitet talabasi bo'lgan davrda kirishganman. Keyinchalik "Shahriyor", "Masposhsho" kabi qoraqalpog' xalqining epostlari, jahon adabiyotining ko'zga ko'ringan vakillari R. Byorns, U. Tabidze, J. Bayronning she'riy va nasriy asarlarini ona tilimizga tarjima qildim. Forumda yosh tarjimonlarning o'g'irmalari bilan tanishib, ezgu an'analar bardavom ekanidan quvondik.

va tarjimon Miraziz A'zam tomonidan turk tilidan o'zbekchaga o'girildi. Shuningdek, Misr Arab Respublikasida Abdulla Qodiriyning "O'tkan kunlar" romanining arab tiliga qilingan tarjimasini chop etilgani ham quvonchli xabar bo'ldi. Asar Misrning Al Shams va Luksor universitetlari professori Muhammad al-Jibali tarjimasida "O'tkan kunlar: Turkistondagi achchiq sevgi qissasi" nomi bilan arab dunyosi o'quvchilariga ilk marotaba taqdim etildi.

Prezidentimizning "Badiiy tarjima sohasida Muhammad Rizo Ogahiy nomidagi xalqaro mukofotini ta'asis etish to'g'risida"gi qarori bu kabi ishlarni yangi bosqichga ko'tarishiga, tarjimonlarni yangidan-yangi badiiy asarlar tarjimasini uchun ruhlanitirishiga shubha yo'q. Zero, ushbu forumni o'tkazishdan maqsad ham ijodkorlarni sohada yuz berayotgan yangiliklardan keng xabardor qilish, tarjima borasidagi yutuq hamda kamchiliklarni sarhisob etish, ko'pdan beri uzilib qolgan ustoz va yoshlar o'rtasidagi aloqalarni bog'lashdir.

Rahmatjon BOBOJONOV ("Xalq so'zi") yozib oldi.

NODIRBEK YAQUBBOYEV VA SHAMSIDDIN VOHIDOV "UZCHESS CUP" SUPER-TURNIRINING G'OLIBI BO'LDI

"Masters", "Challengers" va "Futures" guruhlarida o'tkazilgan bahslar yakunida o'zbekistonlik shaxmatchilar ham yuksak iqtidor sohiblari ekanligini namoyon etishdi. Jumladan, eng kuchli shaxmatchilar jamlangan "Masters" guruhida ham yurtimiz Nodirbek Yaqubboyev chempionlikni qo'lga kiritdi. Ochkolar teng bo'lishiga qaramay, qo'shimcha natijalarga ko'ra u Nodirbek Abdusattorovni ortda qoldirdi. Uchinchi o'rin esa xitoylik Yu Yaniga nasib etdi.

"Challengers" guruhida ham chempionlikka O'zbekiston vakili sazovor bo'ldi. Ham yurtimiz Shamsiddin Vohidov barcha raqibidan ko'p ochko to'pladi.

"Futures" guruhida yurtdoshlarimiz Saidakbar Saydaliyev va Muhammadzohid Suyarov 5.5 ochko bilan 3 va 4-o'rinlarni qo'lga kiritishdi.

Ushbu guruhda Vitaliy Sivuk (Shvetsiya) birinchi, Daneshvar Bardiya (Eron) ikkinchi o'rindan joy oldi.

Yoshlar ishlari agentligida "Uzchess Cup" turnirining tantanali taqdirlash marosimi o'tkazildi.

Fazliddin ABLOV ("Xalq so'zi").



O'zbekiston delegatsiyasi Makka shahrida bo'lib o'tgan «Haj — 2024» mavsumiga bag'ishlangan 48-xalqaro simpoziumda ishtirok etdi.

Publication information including contact details for 'Xalq so'zi' newspaper, subscription rates, and distribution points. Includes a QR code and ISSN number.